

KWARTAAL 4

NUUSBRIEF



HOËRSKOOL MONTAGU

KENNIS **K**ARAKTER **T**ROTS

KWALITEIT
ONDERRIG
EN LEER



023 614 1390



www.hsmontagu.co.za



mhsadmin@barvallei.co.za



UIT DIE KANTOOR



Geagte Ouers / Voogde, Leerders en Ondersteuners

Graag doen ek verslag oor die afgelope maand se aktiwiteite. Verder wil ek ook 'n paar aktuele sake uitlig en belangrike inligting vir 2026 met u deel.

1. Eksamen: Graad 08 – 11

Vanaf 06 tot 26 November 2025 het al ons leerders eksamen geskryf.

Ten einde onsekerheid by ouers uit die weg te ruim, word die promosievereistes vir die onderskeie grade ingesluit. Meet gerus u kind se punte daaraan om te bepaal of hy/ sy 'n grensgeval is, al dan nie. Indien daar by u enige onsekerheid bestaan, maak gerus met die skool kontak.

Slaagvereistes:

Graad 10 – 12	Slaag drie (3) vakke met 40%+ waarvan een vak op Huistaalvlak Slaag nog drie (3) vakke met 30%+
Graad 08 - 09	50%+ in Afrikaans 40%+ in Wiskunde en Engels 40%+ in drie ander vakke 30%+ in twee ander vakke

____UIT DIE KANTOOR____



Top 20 kwartaal 4

Die leerders aangeheg is hierdie kwartaal die toppresterders van hul graad. Baie geluk met dié mooi prestasies! Dié leerders wat egter baie hard gewerk het volgens hul vermoë en uitstekend presteer het, welgedaan! Jy hoef nie noodwendig 'n toppresterder te wees om suksesvol te wees nie. Indien jy volgens jou vermoë presteer het en jou mikpunte bereik het, is jy suksesvol.

2. Eksamen: Graad 12

Die graad 12-eksamen het geëindig op 27 November 2025. Die WKOD het bekend gemaak dat vanjaar se graad 12-uitslae op Dinsdag, 13 Januarie 2026 om 11:30, by skole bekend gemaak mag word. Ons graad 12-leerders kan dan dadelik 'n afskrif van die uitslagadvies kry. Daar kan ook vanaf 12:00 telefonies navraag gedoen word by 023-6141390. Alle uitstaande handboeke moet ingehandig wees asb.!

3. Skoolsake

3.1 Die Burger Jeugleierkonferensie / ATKV Jeugleiersimposium

Een van ons hoofleiers, Jacobus Beukes, woon Die Burger Jeugleierkonferensie by en drie van ons hoofleiers: Ruby-Rose O'Shea, Janae le Roux en Sergio Burger woon die ATKV se Jeugleiersimposium by in Desember 2025. Hierdie konferensie en simposium berei nuutverkose leiers voor op goeie leierskap, sodat elkeen sy of haar rol met selfvertroue en as 'n ingeligte leier kan aanpak. Hulle word toegesprek deur topsprekers wat hul leierskapsvaardighede gaan ontwikkel.

____UIT DIE KANTOOR____



3.2 Matriekgeskenk

Ons matriekgroep van 2025 het 'n pragtige voordeurmat met die skoolwapen op vir die skool gefinansier. Elke matriek het die mat agterop geteken met 'n permanente viltpen. Baie dankie Matrieks van 2025!

3.3 Sporthemde en skoolklere

Ons leerders vertoon spoggerig in hul moderne sporthemde. Die huidige hemde mag nog met oefeninge gedra word, maar wedstryde sal slegs in die nuwe hemde plaasvind. Maak gerus 'n draai by Laerskool Montagu se klerewinkel, indien jy die nuwe hemp wil aankoop. Let wel dat ons skoolklere (sporthemde, dogtersrompies, skoolsweetpakke en skoordasse) by Laerskool Montagu se klerewinkel beskikbaar is. Die res van ons skoolklere (swart skoolbaadjie, grys langbroek, grys sokkies, wit skoolhemde, swart skoolskoene en swart gordels) is beskikbaar by ons klereverskaffers in die omgewing soos De Jagers, Woolworths, Pep en Ackermans). Alle ander benodigdhede en sportklere is beskikbaar by die skool self. Maak asb. seker dat u kind reg toegerus en gereed is vir die nuwe jaar.

3.4 Matriekafskeid: 22 September 2026

Die skoolbestuur het a.g.v. 'n baie besige eerste kwartaal en om die finansiële las op ons ouers / voogde vir die begin van die jaar te verlig, die besluit geneem dat die matriekafskeid volgende jaar weer aan die einde van die derde kwartaal gaan plaasvind om sodoende te verseker dat ons matrieks die laaste kwartaal net op hul akademie kan fokus. Maak asb. vroegtydig voorsiening vir al die uitgawes en gebruik 'n deel van u Desember-bonus as hulpmiddel om te spaar vir al die finansiële uitgawes soos kampe, toere, matriektrui, konserte en die matriekafskeid.

UIT DIE KANTOOR



3.5 Graadhoofstelsel en leerdergedrag

Die skool het aan elke graadgroep 'n mans- en dames-graadhoof toegeken.

Die funksie van dié graadhoofde is om op te tree as u kind se skoolvoogde.

Enige akademiese en dissiplinêre navrae, probleme, voorstelle, klagtes, persoonlike sake wat u wil bespreek, ens. kan met u kind se graadhoof bespreek word.

Maak gerus vooraf 'n afspraak via die sekretaresse. Hierdie sal u eerste stop wees, indien die graadhoofde u nie kan help nie en vir meer ernstige sake, is u welkom om 'n afspraak met die Adjunkthoof of Skoolhoof te maak.

Ons streef deurlopend na uitnemende leerdergedrag en leerders wat hulself skuldig maak aan drie of meer detensies gedurende die jaar, mag vir die res van die jaar aan geen sosiale-, sport-, kultuur- of ander na-skoolse aktiwiteite deelneem nie, totdat die leerders se gedrag sodanig tot op 'n aanvaarbare vlak verbeter het.

3.6 Finansies

Kaartfasiliteite vir skoolfondsbetalings.

Daar is kaartfasiliteite beskikbaar by die skool. Ons moedig ouers aan om asseblief gebruik te maak daarvan, om sodoende betalings te vergemaklik.

Ons maak staat op u getroue betaling van skoolfonds, sonder u bydrae kan ons nie die skool funksioneel bestuur nie.

3.7 Skoolure 2026

Akademiese kontaktyd is vir ons baie belangrik en daarom het die Skoolbestuur besluit om voort te gaan met ons huidige skooltye tot voordeel van ons leerders. Somerskooltye is soos volg: die skool begin soggens om 07:15 en verdaag om 14:00 (Maandae, Woensdae en Vrydae).

Dinsdae en Donderdae eindig ons om 13:15 en daarna het ons 'n aktiwiteitsperiode van 13:15 tot 14:45.

Winterskooltye is soos volg: die skool begin soggens om 07:30 en verdaag om 14:30 (Maandae en Woensdae). Dinsdae en Donderdae eindig ons om 13:15 en daarna het ons 'n aktiwiteitsperiode van 13:15 tot 14:45. Vrydae verdaag die skool om 14:00.

UIT DIE KANTOOR



4. Leierskap

Junior VRL, Senior VRL en Bestuurskomitee (BK) 2026

Die nuwe lede vir die VRL en Bestuurskomitee (Leerderraad) van 2026 is verkies. Die nuwe graad 8 VRL lede word in 2026 verkies. Baie geluk aan die volgende leerders wat verkies is vir die Junior VRL, Senior VRL en BK onderskeidelik.

JUNIOR VRL 2026:

Graad 9:

Adri Bothma, Joshlin Conradie, Haydenique du Toit, Willow Esau,
Sonwabo Mgada en Zatchary Moos

SENIOR VRL 2026:

Graad 10:

Lodewyk Beukes, Lienka Joubert, Ané Nomdo,
Aneisha Philander, Zack Roos en Daniel Rossouw

Graad 11:

Jason Bezuidenhout, Chayim du Toit, Corli Gous,
Johnwin Jacobs, Jaime Johnson en Henko Nel

BK 2026:

Jacobus Beukes (Hoofseun), Ruby-Rose O'Shea (Hoofdogter),
Sergio Burger (Onderhoofseun), Janae le Roux (Onderhoofdogter),
Elissa Conradie, Mia Dettbarn, Ehrin Fortuin, Peter Hattingh, Emma Olivier,
Nikita Scholtz, Elzay Strydom en Khia Witbooi

Veels geluk!

Mag julle ons skool verteenwoordig as ware ambassadeurs en leierfigure.

UIT DIE KANTOOR



5. Skoolgelde : 2026

Die Beheerliggaam herinner alle ouers aan die eerste paaient van R1535 wat betaalbaar is teen 14 Januarie 2026. Daar is ook 'n spesiale skrywe oor skoolgeld 2026 by die rapport aangeheg.

Die finale ooreenkoms moet teen einde Januarie 2026 voltooi word.

6. Handboeke

Alle handboeke moet teen 10 Desember om 09:00 ingehandig wees. Leerders wat tot op hede versuim het om hulle handboeke in te handig, sowel as leerders met verlore en beskadigde handboeke, sal 'n rekening ontvang vir uitstaande boeke. Hulle sal in 2026 eers boeke ontvang, nadat uitstaande boekgeld vereffen is. Maak asb. seker al u kind se boeke is betyds ingehandig en verlore boeke is betyds betaal, sodat elke leerder die nuwe jaar kan begin met al hul handboeke. Elke leerder in die skool moet ook 'n dagboek besit.

7. Veiligheid, Sekuriteit en Skoolterrein

Slegs leerders van Hoërskool Montagu mag die skool se fasiliteite gebruik.

Indien enige leerder van die skool, die skool se terrein gedurende die vakansie wil gebruik, moet daar persoonlik by die Skoolhoof of Adjunkhoof toestemming verkry word. Indien enige vreemde persoon op die terrein gesien word, moet dit dadelik by Mnr. Strydom aangemeld word. Die skool is in die proses om 'n kringtelevisie-stelsel aan te bring op die terrein,

in die klaskamers en in die skoolgange.

'n Gedeelte op die boonste vloer van die skoolgebou is reeds voltooi.

Hierdie stelsel word bestuur volgens die skool se kringtelevisiebeleid en gebruik om die leerders en die onderwysers te beskerm en tot voordeel van die sekuriteit van die skool.

UIT DIE KANTOOR



8. Huis van Velden koshuis

Die nuwe hoofleiers en prefekte vir die koshuis van 2026 is verkies.

Baie geluk aan Hoofmeisie: Beulah Beukes, Hoofseun: Daveron Luiters, Kayleigh Munnik, Lené Leenderts en Ofentse Tshisa. Ons skoolkoshuis is ons trots en al die fasiliteite is pragtig oorgedoen en modern. Daar is nog plekke beskikbaar vir 2026. Kontak gerus die koshuismoeder, mev. Rouzelle van Aarde of die koshuisvader, mnr. Duan van Brouwershaven, tydens skoolure by 023-6141280 of stuur gerus 'n e-pos na: huisvanvelden@gmail.com vir meer inligting. Die voordele van die koshuis is 'n veilige omgewing met vaste studietye, heerlike gesonde maaltye en 'n lekker koshuis-familie-gees.

9. Ondersteunersklub (HSMO)

U word almal hartlik uitgenooi na die jaarlikse Gholfdag, Saterdag 28 Februarie 2026.

Die Ondersteunersklub, onder leiding van mev. Mariek Dettbarn, is tans besig om fondse in te samel vir nuwe projekte wat hul graag in 2026 wil aanpak. Ondersteun en sluit gerus by hulle aan – 'n betrokke ouer, is 'n gelukkige ouer!

10. Graad 8 – 2026 Oriëntering

Op Donderdag, 4 Desember 2025, het die graad 8-klas van 2026 ons besoek.

Die nuwe leerders het met groot geesdrif aan al die aktiwiteite deelgeneem en al die verrassings baie geniet.

Hulle is nou goed ingelig en ons sien daarna uit om hulle in 2026 te ontvang.

11. Skoolbeheerliggaamverkiesing 2026

Ons huidige Beheerliggaam (SBL) se termyn eindig in Maart 2027 en ons is dankbaar vir elke lid se harde werk, insette, positiewe bydraes en ure se tyd wat ingesit is.

Een van ons ouerlede het egter bedank en daar is tans 'n vakante posisie wat ons moet vul in 2026. Graag doen ons 'n beroep op ons kundige ouers wat hul weg oopsien om uself beskikbaar te stel vir ons SBL-verkiesing (vir een ouerlid) van 12 Maart 2026. Ons het veral iemand nodig met finansiële- en bestuursvaardighede. 'n Ouer met 'n groot omgee-hart wat 'n positiewe verskil wil maak by ons skool. Stel asseblief uself beskikbaar.

Ons het u kennis, vaardighede en kundigheid nodig!

UIT DIE KANTOOR



12. Reëlins 2026 : NUWE LEERDERS

Registrasie vir 2026 is nou afgehandel. Baie dankie vir die vertroue wat u in die Hoërskool Montagu stel. Alle nuwe leerders meld op Woensdagoggend, 14 Januarie 2026, tussen 07:15 tot 08:00 by die skool aan.

Die skool se leerderleiers sal hulle ontvang en van hulp wees. Dit is nie nodig dat ouers die leerders vergesel nie.

Belangrike inligting vir u aandag:

- Aanvangsprogram: Januarie 2026
- Datumlys: Eerste kwartaal 2026 (voorlopig - onderhewig aan veranderings)
- Spesiale Omsendbrief: Skoolgelde 2026

U is welkom om nou reeds die eerste paalement van R1535 te vereffen. Die skool verskaf alle hand- en skryfboeke aan leerders. Skryfbehoeftes en toerusting is egter elke ouerhuis se eie verantwoordelikheid.

Die skool gaan egter 'n spesiale skryfbehoefte-pakket aan ons leerders in 2026 beskikbaar stel teen 'n baie billike prys. Die kantoor heropen op 09 Januarie 2026, 08:00 tot 12:00.

Indien u van Ashton busvervoer gebruik wil maak en nog nie met mev. Lewis in verbinding getree het nie,

moet u dit asseblief dringend doen. Daar is ongelukkig slegs 'n beperkte aantal plekke beskikbaar op die bus en leerders wat nie plek op die bus kry nie, moet of van eie vervoer gebruik maak of by die koshuis aansoek doen.

Ons koshuis, Huis van Velden, het nog 'n paar plekke beskikbaar. Kontak asseblief mnr. Duan van Brouwershaven of mev. Rouzelle van Aarde (023-6141280), indien u van koshuisverblyf gebruik wil maak.

Daar is 'n moontlike subsidie vanaf die WKOD beskikbaar vir koshuisverblyf waarvoor u kan aansoek doen,

maar onder voorwaardes soos bepaal deur die WKOD.

Indien u van 'n bankaftrekorder gebruik wil maak, moet u self met u bank reëlins tref.

BANKBESONDERHEDE:

ABSA MONTAGU: Takkode 33-45-13, Tjekreknr. 1050 560 097

Vul in by Verwysing: U kind se naam en van

UIT DIE KANTOOR



Elke ouerhuis ontvang op Woensdag 14 Januarie 2026 'n afskrif van die volledige Gedragskode.

Ek wil u vooraf daarop wys dat leerders nie toegelaat word om hulle natuurlike haarkleur ooglopend te verander of hulle hare in ongewone modieuse style te sny nie. Skooltasse mag slegs van die voorgeskrewe tipe wees (effekleurig met 'n tradisionele kleur van skooltasse: bruin, groen, swart, maroen of blou) met harde kante en tussen-afskortings (om die handboeke te beskerm). Slegs die leerder se naam en van mag op die tas geskryf word. Die tas mag nie helder neonkleure bevat nie.

Die aanvangsprogram en datumlys is onderhewig aan veranderinge a.g.v. onvoorsiene gebeurtenisse wat reëlins op kort kennisgewing kan verander. Maak asseblief seker dat alle leerders op die skool se **WhatsApp-groepe gelaai is**. Dit sal effektiewe kommunikasie verseker.

Indien u enige navrae het, moenie huiwer om te skakel nie.

13. Boodskap van die Beheerliggaam (SBL)

Dit is 'n absolute voorreg en eer om as Monties Beheerliggaam (SBL) diensbaar te wees aan ons skoolgemeenskap! Dis vir ons 'n voorreg om saam met die skoolbestuur, die personeel, en ons ouers/ voogde, vir ons kinders 'n plek van geborgenheid, veiligheid, gemeensaamheid en natuurlik Monties-IDENTITEIT te kan skep.

Die plig van die SBL is om op tree in die beste belang van elke leerder. Ons streef daarna om te verseker dat daar gesonde beheer- en finansiële praktyke by die skool toegepas word. Ons streef ook daarna om 'n platform te skep waar almal se BYDRAES aangemoedig en waardeer word.

Met die uitdagings van 2025 wat suksesvol deur die HS Montagu-span oorkom is, wil ons graag die personeel bedank vir die jaar se uitnemende diens en hulle verdien 'n ruskans na hierdie jaar waar hulle in elke vakansie met skoolwerk besig moes wees. Mag hulle 2026 met nuwe krag aanpak en bydra om dit 'n spesiale jaar te maak.

Baie dankie aan Mnr. Benadie vir sy leierskap en die positiewe verskil wat hy maak. Ons wens vir Mnr. Benadie

en sy personeel 'n baie mooi en Geseënde Kerstyd toe. (Mev. Mariek Dettbarn -Voorsitster; namens SBL)

UIT DIE KANTOOR



14. Personeel

Hoërskool Montagu is trots op sy span bekwame personeel wat hard werk, die ekstra myl loop en elke dag hul beste lewer. Ons is dankbaar vir al die opofferinge wat ons personeel maak tot voordeel van elke leerder.

Aan almal van u, baie dankie vir u as mens, u ondersteuning en positiwiteit tot ons skool.

Met die aanbreek van die einde van 'n skooljaar, is dit vanselfsprekend om vir 'n oomblik stil te staan en bewus te word van die wonder van Kersfees. Mag ons almal, soos die Wyse manne van ouds, na die Bron van Lig gelei word. My wense aan elkeen is 'n helder Somerkersfees gevul met Sy liefde, genade en vrede.

Mag die Vader elkeen opreg seën en veilig bewaar.

Vriendelike groete.

MNR. J. T. BENADIE
SKOOLHOOF
10 Desember 2025



AANVANGSPROGRAM

9 - 23 JANUARIE 2026



Vrydag: 9 Januarie (Eerste paaient kan betaal word)	08:00 – 12:00	Admin. en Finansiële kantoor oop / Skoolhoof per afspraak
Maandag: 12 Januarie (Eerste paaient kan betaal word)	08:00 – 14:00	Skool heropen personeel / Admin. en Finansiële kantoor oop
Dinsdag: 13 Januarie (Eerste paaient kan betaal word)	08:00 – 14:00	Personeel opleiding en beplanning / Admin. en Finansiële kantoor oop
	11:30	Matriekuitslae 2025 uitdeel
Woensdag: 14 Januarie (08:00 – 14:00) (Eerste paaient kan betaal word)	08:00 – 08:40	Skool heropen vir leerders met verwelkoming en saal
	08:40 – 10:10	Leerders word in registerklasse ingedeel
	14:00	Skool verdaag vir leerders
Donderdag: 15 Januarie (07:15 – 14:00)	07:15 – 13:00	Donderdagrooster gevolg / Handboeke en skryfboeke word uitgedeel
	13:00 – 14:00	Atletiekinskrywings in kleurgroepe (ouderdom) tydens aktiwiteitsperiode
Vrydag: 16 Januarie (07:15 – 14:00)	07:15 – 14:00	Vrydagrooster word gevolg

AANVANGSPROGRAM

9 - 23 JANUARIE 2026



Maandag: 19 Januarie (07:15 – 14:00)	07:15 – 14:00	Maandagrooster word gevolg
	18:00 – 19:00	Graad 8 Ouer / Voog / Leerder vergadering
Dinsdag: 20 Januarie (07:15 – 13:15)	07:15 – 13:00	Dinsdagrooster word gevolg
	13:15 – 14:45	Aktiwiteitsperiode
	17:00 – 18:30	Langafstande
Woensdag: 21 Januarie (07:15 – 13:15)	07:15 – 13:15	Woensdagrooster word gevolg
	15:30 - 19:00	Atletiek Mini-Byeenkoms
Donderdag: 22 Januarie (07:15 – 21:30)	07:15 – 13:30	Donderdagrooster word gevolg
	13:30 – 21:30	Kleure-atletiekbyeenkoms Alle leerders van die skool moet die volle duur van die byeenkoms teenwoordig wees asb.)
Vrydag: 23 Januarie (07:15 – 14:00)	07:15 – 14:00	Skool gesluit a.g.v. spesiale skoolvakansiedag

____TOP 20____

GRAAD 8



NAME IS IN ALFABETIESE VOLGORDE

Adri	Bothma
Johenlin	Buchner
Jocelyn	Conradie
Liyabona	Danile
Haydenique	Du Toit
Willow	Esau
Emma	Hahndiek
Tamar	Hendricks
Pearl	Jaftha
Onoluhle	Jantjies
Mishca	January
Sean	Little
Layla	Lodewyk
Rojean	Marais
Marqueth-Lee	Marthinus
Sonwabo	Mgada
Joy-Line	Nel
Owentando	Ngabaza
Shjar-Moné	Swanepoel
Christian	Voges

____TOP 20____

GRAAD 9



NAME IS IN ALFABETIESE VOLGORDE

Ariane	Brinkhuys
Lodewyk	Beukes
Hailey	Booyesen
Meone	Bure
Johnique	Carolissen
Ruan	Cloete
Corlea	De Koker
Carla	Dettbarn
Denisia	Domingos
Ridduwan	Herdien
Eduard	Heyns
Aneischa	Jakobs
Lienka	Joubert
Kayla	Kotze
Lee	Kotze
Ané	Nomdo
Aneisha	Philander
Zack	Roos
Wilmare	Swanepoel
Hannli	Volschenk

____TOP 20____

GRAAD 10



NAME IS IN ALFABETIESE VOLGORDE

Anzelle	Albanie
Erin	Banda
Jason	Bezuidenhout
Anél	De Bruyn
Tyricha	De Wee
Mia	Ellis
Corli	Gous
Isabelle	Hahndiek
Johnwin	Jacobs
Quinzil	Jansen
Jaime	Johnson
Stella	Meyer
DJ	Minnaar
Henko	Nel
Miné	Olivier
Fannwin	Plaatjies
Revean	Segelaar
Courtney	Toorn
Lizca	van Aarde
Adriana	Visagie

____TOP 20____

GRAAD 11



NAME IS IN ALFABETIESE VOLGORDE

Kurtwin	Antonie
Jacobus	Beukes
Sergio	Burger
Ezrin	Conradie
Caitlin	Koker
Mia	Dettbarn
Tsenré	Ernest
Joël	Gordon
Peter	Hattingh
Thamson	Jansen
Janae	le Roux
Nina	Malherbe
Ruby-Rose	O'Shea
Emma	Olivier
Mieke	Olivier
Danika	Schoeman
Tashley	Skippers
Jadelyn	van Wyk
Dirk	von Wielligh
Anja	Wolfaardt

BELANGRIKE DATUMS

KWARTAAL 1



JANUARIE

9 Vrydag	Admin kantoor oop 08:00 - 12:00
10 Saterdag	
12 Maandag	SKOOL HEROPEN PERSONEEL 08:00 Tennis kliniek 14:00
13 Dinsdag	Koshuis open 17:00 - 19:00 Matriekuitslae 11:30
14 Woensdag	SKOOL HEROPEN LEERDERS 08:00 <i>Somersdrag + somertye</i>
15 Donderdag	CSV Kringleier opleiding 14:20
16 Vrydag	Appéle sluit
17 Saterdag	
19 Maandag	Gr.8 ouer/ leerder aand en oueropleiding 18:00 Netheidsinspeksie GHOLF: vs Robertson
20 Dinsdag	ATLETIEK: Langafstande 17:00 - 18:30
21 Woensdag	ATLETIEK: Mini byeenkoms 15:30 - 19:00
22 Donderdag	ATLETIEK: Kleureatletiek 13:30 - 21:30
23 Vrydag	GEEN SKOOL (<i>HSM skoolvakansiedag</i>)
24 Saterdag	TENNIS: Arend afslaan toernooi - HS Strand
26 Maandag	Gr.12 ouer/leerder vergadering 18:00 GHOLF: vs Swellendam
27 Dinsdag	
28 Woensdag	NSS - Hernasien in Gr.8 Kuikentoets 1ste pouse
29 Donderdag	NSS - Toekenningseremonie
30 Vrydag	BK Sivviedag
31 Saterdag	

BELANGRIKE DATUMS

KWARTAAL 1



FEBRUARIE

2 Maandag	GHOLF: vs Hermanus
3 Dinsdag	Gr.8 VRL verkiesing Opedag Gr.7 • 15:00 - Koshuis • 16:00 - Leerdes by HSM • 17:45 - Ouers by HSM Skoolsaal
4 Woensdag	Landsdiens open
5 Donderdag	
6 Vrydag	SNR VRL Sivviedag
7 Saterdag	ATLETIEK: Sone - Hoërskool Montagu
9 Maandag	GHOLF: vs Worcester
10 Dinsdag	Gr.8's Kuikenkonsert
11 Woensdag	
12 Donderdag	Gr.8-12 Valentynsdans
13 Vrydag	JNR VRL Sivviedag ATLETIEK: Noord-Boland Bonnievale
14 Saterdag	VALENTYNSDAG ATLETIEK: Noord-Boland Bonnievale
16 Maandag	GHOLF: vs Worcester
17 Dinsdag	Kultuurmiddag
18 Woensdag	Kultuurmiddag Jnr & Snr Redenaars
19 Donderdag	Mekka
20 Vrydag	NETBAL: Toernooi - Girls High
21 Saterdag	NETBAL: Toernooi - Girls High
23 Maandag	
24 Dinsdag	
25 Woensdag	
26 Donderdag	HS Montagu Rade Dans
27 Vrydag	Landsdiens Sivviedag ATLETIEK: Boland Paarl
28 Saterdag	ATLETIEK: Boland Paarl HSMO GHOLFDAG

BELANGRIKE DATUMS

KWARTAAL 1



MAART

2 Maandag	
3 Dinsdag	
4 Woensdag	
5 Donderdag	
6 Vrydag	
7 Saterdag	SPORTTOERNOOI: HTS Drosty (W)
9 Maandag	
10 Dinsdag	Wintersport oefening
11 Woensdag	MINI EKSAMEN BEGIN (08:00 - 13:00)
12 Donderdag	Wintersport oefening SBL Verkiesing (1 vakante ouer)
13 Vrydag	ATLETIEK: Wes-Kaap - Coetzenburg
14 Saterdag	SPORTTOERNOOI: Robertson (W) ATLETIEK: Wes-Kaap - Coetzenburg
16 Maandag	
17 Dinsdag	Wintersport oefening
18 Woensdag	
19 Donderdag	Wintersport oefening
20 Vrydag	ATLETIEK: SA's
21 Saterdag	MENSEREGTEDAG ATLETIEK: SA's
23 Maandag	
24 Dinsdag	Indaba Sivviedag
25 Woensdag	
26 Donderdag	BK Sivviedag
27 Vrydag	Algemene Kennis SKOOL SLUIT RUGBYTOER - Oakdale HOKKIETOER - Strand



OPEDAG

3 FEBRUARIE 2026

JAARLEUSE: **K**ennis **K**arakter **T**rots



15:00 Koshuistoer



16:00 Leerdertoer – Hoërskool Montagu



17:45 Ouertoer – Hoërskool Montagu Skoolsaal



SAVE THE DATE

28 FEB 2026

R400 PER SPELER

EPIC NATGAT

ETES

GROOT PRYSE

Geseënde Kersfees



Met die einde van die jaar (uiteindelik) in sig, wil ons ons opregte dank en waardering uitspreek teenoor elke ouer, voog en onderwyser vir julle ongelooflike toewyding, ondersteuning en harde werk deur die jaar. Dankie dat julle saam met ons die jaarleuse uitgeleef het: #VIP (Vriendelikheid, Integriteit & Positiewiteit) en saam gedink en gedoen het by elke skoolaktiwiteit en gebeurtenis gedurende 2025!

Mag hierdie Kersseisoen vir julle 'n tyd van rus, vreugde en verryking wees.

HSM Skoolbestuur

Ons sien uit na 2026!
Seënwense en Kersgroete